



常山文集

五六

和文一

和16
1736
4




常山文集卷之五

詩

七言律

臘月三日。賜官暇狩于總州小金邑。林
函三文作詩被寄焉。且寓警戒之意。
懇欸之至。謝之有餘。遊獵之際。不能
鍛鍊倉卒和之以酬。

權中納言從三位源朝臣綱條輯



行露侵霜早曉天。同胞並轡共于畋。馳思造父王良範。穀幕由基后羿弦。講武專傳韜畧術。修交欲比漆膠堅。回頭佇眼無極忽。寄詩篇意快然。

次韻藤圖書頭復冷泉家尋任羽林且

賦內直詩

冷泉鳴玉斷聲久。一派琅琅再續音。世上從今莫巫暴。天邊復古使君霖。朝趨禁闕露恩露。夕向書窻惜寸陰。餘力吐詩傳萬里。篇篇

句句讀驚心

中秋月

三五良宵四美全。此時迎客發芳筵。中秋爽氣風漸度。千里清輝月正圓。太液池邊光皎潔。日新齋裏影嬋娟。何須今夜會嵩岳。對酒遙懷李謫仙。

戊子元旦試毫慶安元年

人一統云來已履端。嚴君兄弟共團圓。延齡更酌傳生酒。逐疫先嘗却鬼丸。專射圍碁童稚

戲打毬飛羽。女兒歡。春風一陣。硯冰解。覓紙題詩。初試翰。

南呂二十四日。與友人秉燭夜遊。于時探五首題。各分千崖秋氣高。五字為

韻。余題節前菊。得千字。

黃菊新開八月天。探支九九。獨紛然。遊蜂課蜜。東籬下。舞蝶停車西吹前。屈子餐英。能守節。魏文摘葉。欲延年。秋來更覺富佳景。遶舍金錢幾萬千。

已丑仲冬。夜雪徹明未止。偶讀東坡居士書北臺壁詩有感。追和二首

同雲漫密掩金鴉。飛雪滿顏依輔車。向曉斜斜誇玉樹。隨風片片散銀花。子猷乘興山陰夜。太祖重茵趙普家。遙慕游楊俱侍立。奚為慧可忍寒又。

滕六呈祥玉編織。寒威慘慄朔風嚴。孰臨達畔似連璐。何擬空中更撒鹽。皎潔麻衣舉輕袖。繽紛柳絮舞虛簷。曉來倚牖窺西嶺。失却

崔嵬寸碧尖

又和前韻二首

雪入詩思懷鄭縈。駕言秣馬膏其車。依佛落地九天月。彷彿生林六出花。恍爾可迷銀世界。璨然猶訝玉皇家。才奇坡老北臺詠。豈羨庭筠手八叉。

黃雲漠漠風漸罷。白雪霏霏寒已嚴。東武城邊生岫菓。日新齋下布吳鹽。孫康方悅繼燈影。江泌誤須排月簷。一夜孱顏今老矣。翠眉

變作白眉尖

應茶寮之佳招翌日作詩謝之

避塵亭上遇佳辰。分惠深欣厚意真。昨夜正斟雙井水。今朝忽得建溪春。團龍破悶黃山谷。浮蟻拂愁劉伯倫。兩脇清風忘渴處。襟懷襞積為君伸。

富士山

士峯獨出眾峯巔。六月雪花凝紫煙。徐福縱然將覓藥。蓬萊遮莫豈登仙。白衣雙舞五雲

上。素毳高翻三伏天。炎日怒飛消不得。層冰千尺尚彌堅。

後園雜興

杖藜徐步上高岡。千里風光入一望。閒倚松根思寂寞。緩尋芳艸立彷徨。江城粉堞接雲表。管廟朱甍映夕陽。怡爾遊心天地外。紛紛世慮總相忘。

次韻函三雅丈即興

漆膠久要記平生。秋夜閒挑窻下檠。共語敲

推作青眼。每論條理有金聲。五更雨罷四方靜。千里雲收一望清。月轉梧桐看不飽。露華相映綴珠纓。

剛室和尚予舊識也。以世事紛糾不挹

風采有年矣。屬者幸蒙寵臨。猶如旱之霖。渴之水。和尚投新詩一律。點無俗氣。實出格外。情素之渥。才忘線襪。漫賡謝焉。

霜楓襲彩。後園秋禪話未闌。落日流勢作推

常山詩集 卷之五 五
敲依愈島。交爲金石。矢楊尤。迷雲悟入。同參
雨。明月昭回。解脫樓。相遇更驚。俱白髮。烏飛
過眼。少年遊。

余挑燈讀書。常患飛蛾之撲滅。風雨之
屢侵矣。因命工新制燈檠。糊明紙以
施四面。果無風雨之侵。飛蛾之撲。於
是寄一基於函三林兄。林兄謝之以
川八一章。珍吟不止。遂步韻礎以和
答二首

新成燈格。寄精廬。照破堆堆滿架書。剪燼分
光。過半夜。焚膏繼晷。惜三餘。阿誰鑿壁對黃
卷。爭奈囊螢聚碧踈。不用溫公圓木枕。書生
元是眼如魚。
親炙燈檠。照學廬。眼青分得聖賢書。五更燼
盡。明將滅。四面紙籠光有餘。莫怕夜窻風颯
颯。何愁環堵雨踈踈。焰熒不爲飛蛾撲。悶讀
殘篇辨魯魚。

和爲景雅丈元旦詩韻

玉曆新編年又改。緬懷夙起列鵷班。華燈早
 設文昌殿。桃版初懸度朔山。霞彩九重先滿
 眼。天威咫尺不違顏。春風牖外梅花發。詩句
 未芳將訂頌。

尾陽參議光義卿見贈梅花一枝漫賦

川八一章。以寄呈几下。且期瓊報。
 寄來梅蘂臘前新。探請韶光花有神。的皜纔
 看孤樹雪。慙慙分得一枝春。詩名高秀林和
 靖。玉色惟馨程伯淳。慚愧忽蒙佳惠厚。滿懷

璧積更難伸

暮春望日與朋友三五輩宴花下。即興
 走筆戲坐客

有花有酒兩相宜。酒已闌時花亦奇。此日看
 花添酒興。今春銜酒問花期。花如珠也酒如
 蜜。酒入盃兮花入詩。一世愛花還愛酒。花之
 與酒我生涯

庭梅

不待艷陽桃李時。庭前梅蕾獨分披。雪肌清

麗懷姑射。冰骨孤高。比伯夷。後苑向風。香蕊
郁。踈籬迎月。影參差。我今許汝。花王號。砌下
先看南面枝。

次韻人見卜幽七夕

仙車輓輓。七香浮。卧看雙星。次第流。玉露灑
灑光印月。明河奕奕。氣橫秋。耕兼織。是農之
務。富與貴。非吾所求。郭氏前知難肯信。天孫
何事。下銀州。

再步前韻

鳧鴨龜魚。水上浮。銀潢寂寂。靜將流。仰看靈
匹佳期夕。遙憶明皇私語。秋天上促歸。須有
恨。人間乞巧。不兼求。牽牛織女。位分野。歷歷
東西。辨九州。

瀧尾

一派浪浪。長自清。古今瀧尾。得其名。前鄰僧
舍。馮夷宅。後濯凡塵。空海情。噴作雪花飛。皎
皎。激為雷鼓響。轟轟。高懸白布三千尺。知是
天孫織得成。

春江閑鷗

漲碧江南野水肥。白鷗已泛思依依。桃花岸上曝霜羽。杜若洲邊振雪衣。世遠地閑來得趣。波平沙暖久忘機。暮春我亦服成後。與汝雙雙共浴沂。

雲衢歸雁

低度春風帶夕曛。亂行鴻雁自紛紛。蠻烟瘴雨高離伴。楚水燕山獨念群。叫破江南千里月。飛翀塞北萬重雲。武陵遠客多歸思。嘹唳

哀聲不耐聞。

七月七日

忽迎令節坐終夜。雲漢為章長竟天。暑氣已微風嫋嫋。秋陽以曝腹便便。要知天上二星事。熟讀豳風七月篇。牛勸耕由女勸織。武丁浮說豈其然。

臘月十日夜雨雪積六七寸。翌日及午

止。黃昏攜四五輩遊後園。

雪後後園工玉成。膠筇佳興更勞行。瓊林月

落物無影。驀地花開。木向榮。薄暮驚寒。烏鵲
噪。長橋卧浪。白龍橫。預知宿麥。明年熟。餘澤
所覃。乳八紘。

萬治三年庚子正月在常陸。元旦試筆

口號

二十年前常陸春。煙霞重慶。遇今晨。故園梅
蕾白。纔放河上柳。條黃未勻。詰旦願開仁壽
域。陽和布及我邦民。金衣喚起明窗下。既試
鼠鬚。祝令辰。

避暑

火輪赫赫輾雲衢。獨涉水邊孤杖扶。曾避蒸
炎。飲河朔。却疑羽化到蓬壺。松風發籟迎涼
曲。竹露侵窗消暑珠。林下無人。心亦靜。不知
長日影將晡。

花下宴

滿苑珠櫻映日斜。賦詩攜酒思無邪。臨春結
綺望仙閣。金谷河陽湘水涯。遊目怡神娛已
足。提壺挈榼興猶加。兀然忽醉玉杯裡。移得

一花為兩花

五月榴花照眼明

以題中一字為韻

五月紅榴動日華。珊瑚壓朶點無瑕。昔從西域遙移種。今在東方多著花。爽似燭龍臨綠水。灼如列宿照丹沙。滿山樹火映人面。彷彿胭脂嫩頰塗。

六月廿一日。朋友三四輩。會我谷島邸。

樓上。酒闌漫筆簡座客。

谷島邸中樓兀出。尋涼一日縱登臨。半天地。

迥眩望眼。萬里風清。閑遠衿座上。雅筵徐孺榻。檻前流水伯牙琴。世紛相忘偕論道。境靜不知炎暑侵。

次韻栗田筠齋書懷


小大誰言魯與邾。古今政務理何殊。已牽渭水赤鱗鯉。更釣桐江巨口鱸。伐木君臣求益友。席珍文世舉鴻儒。陽春白雪奈難和。終日沉吟閣鼠鬚。

常山文集卷之五終

常山文集卷之五終
 所令聞風發花風風
 文康公大勳舉新制春白
 水未幾變更陳味巧自
 小大時言魯與林古今
 不吟東景對一
 醉卧前時水時不
 與精監與是風未開

常山文集卷之六

權中納言從三位源朝臣綱條輯



詩

七言律

呈虎林禪師并引

昔時仰喝雷轟耳。今日得惠風披雲。只恨
 塵談未熟。早早促歸上人賦一律。以代刺。
 再三卷之吟之。不忍釋手。強濺枯腸。欲催

詞花無奈陽春難和。希運郢斤以昭亮
高僧飛錫武江天。枉駕賁臨環堵前。優鉢花
中香郁郁。珊瑚枝上月娟娟。叢林說法度人
我。暇日緝書對聖賢。行異情同方外友。敲推
苦話共忘年。

過廢墟有感

經過此地有多情。馬上回頭感變更。破屋雨
霑荒艸茂。空階日靜綠苔生。煙霞徒遺綺羅
色。燕雀續成歌舞聲。嗟嘆朝雲兼暮雨。急風

忽解一天晴

應制賦雪朝遠望三首

積雪皚皚擁翠微。四山環曲畫屏圍。烏鴉點
破分毛色。白鳳迴翔覽德輝。最喜瑞花天上
墜。豫知宿麥臘餘肥。朝來休道夜寒逼。起坐
遙思脫御衣。
朝望園林凝玉塵。臘前先報百花春。屋頭高
捧素羅笠。山頂斜欹白氎巾。風拂牆陰巧境
聖。日晶陌上眩鎔銀。天惠新賜豐年瑞。四海

今無凍餒民
 清曉登樓騁眺望。乾坤同色轉茫茫。儘教臘
 雪埋踈影。賴有天風動暗香。士嶺千秋白鷗
 放。灞橋一道玉龍長。恩光襲暖黃綿襖。衣被
 饑寒覃萬方。

和黃龍月坡禪師二首 并引

我嘗讀戲遊集。仰師之才名甚悉。奈天不
 假良遇。徒增翹跂耳。今年孟秋飛錫偶至。
 既挹光霽。情踰舊識。幸聆玄提。忽豁心茅。

談餘示我以偈。圭復再三無措。音中金玉
 味如醍醐。不堪擊節。依韻以呈

宿昔神交千里親。唯今既覲共忘新。清談終
 日情彌密。雄辯懸河氣益振。法雨霏霏蘇草
 木。喝雷殷殷動王臣。上人素得詩三昧。不費
 敲推更輔仁。
 黃龍起與白雲親。尚想庭堅參悟新。賓主對
 牀禪話熟。華夷飛錫道聲振。締交蓮社盟廬
 遠。寓思菊籬罵晉臣。面見洞山山下傑。扶桑

亦是一光仁

次韻月坡詩二首 并引

昨始踵寶刹。辱面謁幸耳。玄論暫破俗情。
 於是承示詩章。獲若金玉。感切鏤銘。何以
 謝之。即欲賡和。慙砒砒混玉。冀昭亮
 竹裏烹茶迎客來。履痕只恐印蒼苔。禪林復
 古法燈耀。祖派迴瀾。智海恢方外。猶吟志南
 句。社中不許遠公盃。偷閒半日塵談熟。共對
 白雲青眼開

卓錫海東纔兩年。遊名未免美名纏。德風風
 度馨天德。禪味味來入坐禪。杉徑掃塵閑下
 榻。竹陰忘暑共談玄。泗流交淡曹溪水。同志
 何妨膠漆堅

遊勝樂寺 并引

暮春念七。偶應徹傳禪師。佳招遊增并勝
 樂精舍。方外締交。玄論繼晷。茗飲于香積
 廚。微醺于般若湯。即座搜枯腸。臨紙拈禿
 筆。云爾

春惹遊人到上方。山中勝槩豈尋常。僧房物
舊煙霞鎖。佛殿燈殘歲月長。苔蘚蝕碑埋不
見。松杉夾路亂無行。敲推為勢詩三昧。相對
踟躕萬慮忘。

後樂園蠟梅

此種元從真蠟來。移栽喜看兩三開。年前嫩
蘂暗含暖。宮樣額黃清絕埃。酥酪凝枝橫碧
玉。醪醖帶露瀉金醅。忠宣遺愛今猶古。春屬
山庭一樹梅。

貞享戊辰元旦

蟻磨旋行華甲一。毀譽遮莫馬牛風。曾罹羸
病頭添白。暫酌屠蘇顏借紅。映日彩霞揩眼
翳。報春黃鳥砭痴聾。姬魚女匪舊時我。對鏡
更驚何處翁。

賀別所三木氏七十初度

者稀今日遇生辰。駐得紅顏壽酒春。賴制顏
齡甘谷菊。長添遐筭漆園椿。瑤池開宴西王
母。韓國顯功武內臣。松竹歲寒霜後見。孫枝

子葉盛振振

暮春浹旬之日。步後園口號

昨日迎春。今送春。春光倏忽轉奔輪。山頭風
惡。花摧玉。野外日温草展茵。朝愛白雲屯樹
上。夕歎香雪委芳塵。只疑造化二三德。一落
一開愁殺人。

戊辰中秋。會緇素四五輩於環景樓。月下述情。

舊歲中秋常陸雨。今年良夜武藏天。扇懸東

嶺。消炎暑。窻納西風。收暮煙。皎皎終宵長。撒
燭悠悠乘興為開筵。一時抖擻迷雲去。照破
清光萬八千。

旅舍遇雨

破屋風荒愁暗生。旅裝帶濕寐難成。纍然村
狗看人吠。努力秋鴻接武行。書信閑來千里
恨。燈前挑盡十年情。不知寂寞草庵雨。支枕
初驚點滴聲。

孟冬之日。介立石詞宗。聞吉元常奇九

會為賦一律。贈示元常。予視之。抵案吟哦。卷舒不措。即次韻似之。

石尾織部藤原氏信號介立下

菊存寒徑。媚深幽。靜對南山。眼界悠。翠葉傲。霜高晚節。金錢滿地。摘星毬。籬邊日暖。黃蜂到。桑落風香。素蟻浮。花入清吟。綦艷色。長開奇九。繼三秋。

辛未歲旦

元祿四年致仕明年

天曙春來門反關。回頭千里遠。入窠寒園梅。

瘦花猶未。深谷鳥啼。山更幽。白雪瀾。茶添白髮。紅霞釀酒。駐紅顏。倚牕忽視一行鷺。憶昔日陪正朔班。

前大中連山和尚訪我西山之次。袖川八一章來見示。因塵芳韻。似禪牀下云。

學徒蟻。萃壓其藩。挂錫恢。開曹洞門。千載遙承西祖派。衆星高拱北辰尊。曾稱佛種彌天釋。等澍人華法雨恩。文陣張舒更無敵。詩兵

孰與用兵孫

旅亭夏情

夏來春去思無窮。漂泊孤身萍上風。夢寐忘
吾槐國蟻。世羈扶老葛陂龍。蜂飛蝶舞茂陰
底。燕頤鶯頤衰柳中。叫斷鶻聲窗外月。終宵
輾轉旅情鍾

次韻堀田一宣賦白蓮

西子浴來脂粉塘。風搖白羽納清涼。池抽翠
管兔毫筆。波滌碧簫象鼻觴。元亮攢眉呵惠

遠揚妃解語。三郎我那藝玩妖嬈色。只愛
生泥淨植香

梅者花儒用洪武韻

梅花立雪大儒姿。瘦影清貧打伯夷。玉色惟
馨明道德。暗香復動仲言詩。文房窻下好文
木。臘底風前破臘枝。遠倩成功通鑑筆。寫來
小字襲深衣

恭拜東照公祭儀用洪武韻

穆穆闕宮東照公。衣冠遊處益嚴恭。木人

為戲放歌吹。甲士逞騎列。扈從日暖霓旗斜。
閃閃風搖。鼙鼓響。鬱鬱儼然祀事禮容肅。四
海仰看神德崇。

大原信節訪我西山。即興賦一律。畫山中
大概。因續有聲之餘韻。

考槃澗谷。抱巖巒。地窄心寬。地亦寬。秋仰桂
花攀。素影夏吟松。陰對蒼官。我元豈弟耽泉
石。友到慙慙話暖寒。翠滴雲回佳致在。捋鬚
揩眼永凭欄。

九月十三夜 肥田政大亭

九月佳名鳴我邦。曾聞雅什始忠通。時維喜
遘桂花會。節去猶香籬菊風。連夜渴望今夜
足。季秋再得仲秋中。來賓鴻雁數行字。點破
清光臨紙窻。

槐陰穗積兄想像予山莊作詩見寄。因

次其韻

井出平八穗積
茂儔號槐陰

樂靜何勞。佔畢呻陽和。養得滿腔春。刺簷松

竹清離俗。塞徑蓬蒿茂。沒入巖戶。月寒雲霧鎖。空階日暖。鳥禽鄰山中。風物皆吾友。於是誰論故與新。

疇昔辱蒙德巖和尚之寵招。過大雄禪院。幸得聞無佛法。諍蓬心爲之。暫豁然。翌日。既謝詞。將卽答。不意罹愁。肆延覃今日。勿爲怪。呵呵笑納。雄辨殆如珠。著氈聞風。緇素赴堂筵。詩參曹洞。黃山谷。危質道林。白樂天。方外忘年交。尚

淡。禪談含露。味逾鮮。而今亦有淵明恨。莫結當時蓮社緣。

元祿六年癸酉夏四月廿八日。弟無外。八年乙亥夏四月十二日。兄龍雲軒。茲年丁丑仲夏十四日。弟圓公中間。五年繼而卒。嗚呼哀哉。無如之何。滴淚磨墨。聊述鄙懷。萬乙。

一兄兩弟隔年亡。何罪而今離此殃。氣散形枯寄空木。風悲聲咽碎維常。杜鵑惜別恨啼。

五。孤雁亂行，愁斷腸。我保殘生，無幾日。相逢在邇，敢堪傷。

旅館聞雁得洲字

雲飛水宿友相求。爾亦來賓添我愁。塞外影橫千里月。他鄉腸斷一天秋。悲風傳恨子卿信。暇日銷憂王祭樓。聲蕩旅情聞不耐。哀鳴啄下稻梁洲。

飯高講主大中孝上人。遐枉駕西山茅屋。倒履迎之。爐談茗話。得半日之閒。

上。人即席走筆賦七言律。予於是汚韻礎以似焉。二首

老僧肝膽結冰霜。風月遣懷泉石鄉。勢作敲推誇韓賈。交將金石打輿桑。昨欣得得來相覩。今恨匆匆遽出王。梅樹自茲資始處。法華馨德發春陽。

詩板曰。吳一天曰。明。及爾出王。

高履菩提圓覺霜。脫離榮辱利名鄉。妙心不動粘泥絮。行脚奚求投宿桑。金石惟堅方外

友。夏夷等仰法中王。清談未半。日垂暮。已耐
麾之無魯陽。

菩提如雪。
圓覺如霜。

觀農父治田

奚培民膏喜有年。朝耘夕耨沒安眠。竊玄翼
濕一犁雨。布谷聲幽千畝煙。頂笠披蓑丘壑
下。腰鎌飽饒夕陽邊。君看稼不農而已。在下殖
心苗肥學田。

常山文集卷之六終

